

隆慶元年順天府鄉試錄

順天府鄉試錄序

聖天子嗣統紀元之年秋八月天

下當大比士於鄉順天府府

尹

臣

紹儒

府丞

臣

守庭

職在

提調以例

請

上命右諭德

臣

士美右中允

臣

四

維爲考試官

臣士美方代草

制言無纂修祇役于館聞

命兢惕

臣

伏自思念一介草茅

經術謏陋曩歲己未獲對

大廷蒙

先帝采擇

賜

臣

及第旋授史秩迄茲竊祿

九年罔効尺寸惴惴焉惟瘝
曠是懼頃緣校錄

大典荷蒙

皇上擢拔今官至是又幸叨

任使深惟

先帝之殊知仰戴

聖皇之隆遇雖殫竭捐糜何裨

高厚所藉手以答

聖恩萬分之一者惟得士也

臣等

以七日己丑

陞辭入院廼率簾以內諸

臣

矢

公矢慎更相飭戒合六館諸

曹暨提學御史

臣

龐

尚鵬

所

選士三千八百五十有奇三

試之遵

制額拔百三十有五人並錄其
文以

獻

臣

士美謹序諸首曰休哉茲

我

皇上龍飛第一舉也士人之際此
也其千載一時哉乾之九五

飛龍在天利見大人文言申
之曰雲從龍風從虎聖人作
而萬物覩誠以俊士俟明主
以顯其德聖主待賢臣而弘
功業感召之機理有固然也

今

天子乘龍御極百度咸貞

大號初頒遐邇敬應黎獻共

雖噓氣成雲不是速矣

臣掌

列在交戟之內見徼外八蠻

之長氊裘卉服之首罔弗稽

首北面重譯貢琛者矧巖穴

之士思躡風雲之會者乎矧

都人士之首善而豹變者乎

其文之蔚當無疑矣因是繹
思昔我

太祖再造區夏即位之八年

命御史臺官選國子生分教北
方十四年

詔以五經四書頒降之我

太祖奠鼎燕都又作新而文明之

迨

仁宗與侍臣論取士之例亦云長
才大器多出北方我

祖宗之注意北學也何肫切哉且
雅之詩曰思皇多士生此王
國王國克生維周之禎又古
稱慷慨之士燕趙之產居多

順天

畿邑即周之王國也於古爲燕

趙地當必有楨

國之英慷慨之士如我

仁宗所云長才大器者出於其間

以應

聖作物覩之期以鳴

文治維新之盛也已臣承乏品

隲其文見其闡明道術根極

理要有其言章章者必曰此

都人士之豹變而文蔚者也

不然必游於都會者也錄之

見其敷陳經濟切中事情有

其言秩秩者必曰此慷慨之

士燕趙之產也。不然則游於
燕趙者也。錄之見其天才大
雅卓越不羣有洋洋颯颯者
必曰此長才大韻者也。亟錄
之。其鈎棘者刻削者曼衍而
無當者弗錄。因諗諸同事者
曰。郁乎都人士之文也。斌斌

然於斯爲盛哉非我

聖天子自新新民之會何以有此
哉既又惟之以主司之所取
於多士者文也多士異日之
所施樹者行也聽言可信行
與諸士行將走

大對布有位矣果行如其言終

如其始亮工熙載濟濟師師
使世人稱曰某良士某良士
隆慶丁卯

京闈所舉也龍興致雲得人之
盛果出尋常遠甚斯無負遭
際之隆而有光於

上治之會主司亦可幸以進責矣

廼或靜言庸違有初鮮終奪
志於紛華黷道於貨賄罔恤
於蒸黎以賢入者以不肖黜
焉無論爲賢書玷貽主司羞
即

祖宗之所注意何如

聖作之所感召何如而忍負之耶

諸士固萬不至是臣於其始

進也不厭相與忠告云是後

也同考則進士臣應薦臣廉

同知臣漢推官臣楨知州臣

訓知縣臣綵教諭臣模臣希

周臣津監試則御史臣儒臣

聯芳奉例增設則御史臣馬